

**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvartum

**González Téllez, Emanuel
Francofurti Ad Moenum, 1690**

Caput IV. (a) Lucius III.

[urn:nbn:de:hbz:466:1-74533](#)

Tit. XIV. de Consanguin. & Affinit.

211

N O T A E.

1. (a) **I** Dem.] In secunda collectione, sub hoc titul. cap. i. legitur Alex. III. nullibi tamen exprimitur cui rescribat Pontifex.
2. (b) **E**t non posset.] Et ita impedimentum illud coeundi præcesserat ipsum matrimonium, alias si sequeretur, non irritaret illud. ut infra dicemus.
3. (c) **T**utum indulgeri.] Ex cap. litteras 4. hoc titul. m. collect. ubi Clemens III. Verulano Episcopo ita scribit: Littera tua receperimus, ex quaram tenore cognoscimus, quod cum lator presentiam quandam feminam, jam elapsu quinquennio, sibi matrimonio copulasset, & secum per tres menses in eodem lecto dormisset, maleficio suo creditur impe-
- ditus, quod cognoscere illam nequivit. Super quo Sedis Apostolica litteras recepisti, in quibus continebatur, quod de Romana Ecclesiæ consuetudine non erat talium matrimonium separandum: unde convocatis eis ad tuam presentiam, cum viverent separatis; compulisti eos ad habitationem redire communem: & licet postmodum in eadem domo, & lecto fuissent, & homo multa verba, sicut tibi constituit, eidem feminam contulisset; ei tamen non potuit carnaliter commisceri, propter qua tu timens ne idem vir homicidii reatum incurrat, quid in hoc casu esset agendum, nos consulere voluisti. Quocirca d. t. p. A. s. m. quart. promemoratis occasionibus non dimittas quin prædictos virum & uxorem per censuram ecclesiasticam insimul habiteare compellas.

C A P U T I V.

(a) Lucius III.

Consultationi tuae, quâ nos consulusti, utrum foeminae clausæ, impotentes commisceri maribus, matrimonium possint contrahere, & si contraxerint, utrum debet rescindi? taliter respondemus, quod licet incredibile videarum, quod aliquis cum talibus matrimonium contrahat, & quamvis de hujusmodi expressum canone non habeamus, sacrosancta tamen Romana Ecclesia consuevit in consimilibus judicare, ut quæ non possunt haberi tanquam uxores, habeantur tanquam sorores. Verumtamen talibus artificio aliquando consuevit succurri, ut valeant aptè reddere debitum, & accipere.

N O T A E.

1. (a) **L**ucius III.] Ita etiam legitur in secunda collectione, sub hoc titul. cap. 3. nullibi tamen exprimitur cui rescribat Pontifex. In praesenti deciditur illa latius vexata questio; utrum videlicet inter impotentes ad coeundum, matrimonium scienter contractum sustineatur? quam adē diffusæ & doctè disputarunt Vazquez 3. part. dispu. 125. cap. 7. Martin. Perez dispu. 27. sect. 4. Basil. Legion. in qq. quodlib. q. 5. scholast. & lib. 7. de matrim. cap. 56. cum sequenti, & post eas Hortad. tom. 2. d. resed. resolut. 8. §. 6. ut superfluum censuerim commentarium hujus
- textus ex eis transcribere. Illud tantum observo, sententiam Basili, videlicet tale matrimonium contractum inter impotentes, sine relatione ad copulam, valere, probari ex cap. requisiſti 33. quest. 2. cap. laudabilem, hoc titul. capite 2. hoc titul. in 1. collect. ubi Alex. III. ita ait: Super eo vero quod de illo nobis significasti, qui cum procreare veluti filios, uxori sua nunquam carnis debitum reddidit, vel reddere potuit: inquisitione tua taliter respondemus, quod diversa sunt inde decreta, & diversa sententia: sed consuetudo est Romana Ecclesia in similibus taliter tenere, quod si non potest eam sicut uxorem habere, ipsam habeat sicut sororem.

C A P U T V.

(a) Coelestinus III.

Laudabilem, &c. *Et infra:* Sollicitè quoque ad ultimum requisiſti, quantum tempus indulgendum sit naturaliter frigidis ad experientiam copulae nuptialis, in qua si defecerint, separantur. Nos vero quamvis in antiquis, tam (b) canonibus, quam (c) legibus super hoc diversa tempora concedantur, id tamen in praesenti consultatione sentimus, ut si naturaliter frigidus non potest illa, quam duxit, uti pro conjugi, à tempore celebrati contractus, si frigiditas prius probari non posset, usque ad triennium secundum (d) authenticum legale cohabitent, quo elapsa si nec tunc cohabitare voluerint, & juxta decretum (e) Gregorii mulier (f) per justum judicium de viro probare potuerit, quod cum ea coire non posset, accipiat alium: si autem ille aliam acceperit, separantur. Quod si ambo consentiunt simul esse vir eam, et si non ut uxorem, sed saltem ut sororem habeant. At vero si quod nunquam se invicem